



Scheda Culturale > Topònimos de Elini

Naramus “topònimos” a is nòmenes chi donamus a dònna diferente giassu de su territòriu de una bidda, una provìntzia, e gasi. Is topònimos podent inditare unu giassu mannu, chi nde inserrat àteros nòmenes de logu in intro (macrotopònimos) o unu giassu minore, chi non faghet a inditare mègius unu giassu e non nde inserrat àteros (microtopònimos).

A sa moda de s'allegare de Elini, su territòriu totugantu su chi est imbussadu dae sa Comuna est mutidu **pardu**. “*Su pardu de Elini est erricu de matas e funtanas*”.

In antis bi teniat unu **cumunali** (cumonale), su tretu cumonale in ue sa gente podiat pàschiere e semenare a mudas cun su sistema de sa **bidassone** (bidatzone) e **paberili** (paberile). Agoa su **cumunali** est istadu partzidu intre sa populatzione. Su **pardu** de Elini est divididu in su a probe de sa bidda, a inghiriu de sa bidda e un'àteru bucone, postu prus in giosso, prus a probe de Tortoili e de su mare tando. Su a inghiriu de sa bidda tenet duos puntos de referimentu mannos: sa bidda etotu e *Su Cramu*. In custu logu, in su monte, bi tenet una crèsia e unu parcu comunale, e narant ca bi fiat sa bidda antiga de Elini, mutida Gelui, chi agoa aiant fràndidu bia a giosso, in su logu in ue est imoe. Galu como s'agatat cue un'àndala, unu fileto pro nche essire dae sa bidda a su Cramu, e narant ca cussu fiat su caminu betzu.

Is trèmenes de su **pardu** sunt marcados dae sa zona de **Santu Còsomu** de Lanusè e **Funtana Ònniga** de Àrthana in punta totu (900 metros subra su mare), a mesu costa su trèmene est in su caminu intre Elini e Irbono a una parti, e **Cùcuru Maore** de Àrthana de s'àtera. A coa, in giosso agabat in sa zona de **Santu Giuanni** (390 metros s.m.).

Prima su trigu e su laore ddu semenaiant in custos logos, peri chi èsseret logu de costa: **Margiani Crobu**, **Tumbarinu**, **Pissu de Crèsia**, **Marinu Contu**, **Perda Orrùbia**.

Is logos in ue faghiant s'argiola fiant: **Su Sàlau**, **Addai de Funtana Manna**, **Cumunu Bèciu**, **Orgiola de Martini** (custa est s'única chi abbarrat unu pagu a tesu dae sa bidda).

Amus assentadu inoghe a suta is topònimos in tres columnas. Is columnas sunt biancas in ue semus iscriende su giustu cun sa pronùntzia elinesa normalizada in s'iscritura, in sa columna murra (intre parènstesis) comente torrat in is cartinas IGM e gasi, cun grafias e interpretatziones non semper bonas o làdinas. Is topònimos sunt assentados comente si diant atzapare in su territòriu, movende dae sa punta prus arta (*Su Cramu*) a sa coa (*Santu Giuanni*). Si podet dare chi carchi topònimu non bi si cumpàrgiat in sa cartina I.G.M. ca mancarì non dd'aiant pedidu faghende dda sa cartina, e a s'imbesse, chi calegunu topònimu chi resurtat in sa cartina non ddu connoscant sa gente, ca mancarì o est imbentadu o ant pedidu male faddende su logu.

Elinesu	IGM	Elinesu	IGM	Elinesu	IGM
Serra de Crabas	(Masoni crabas)	Su Cramu	(Il Carmine)		
		Coili de Frau			
Tullàrgius (cogàrgius de linna)	(Tulàrgius)	Orròalis de Bidda			
		Bau Antinòrgonos			
Tumbarinu		Orgiola de Martini		Perda Orrùbia	(Perda rubia)
Serra de frèulas				Scova Bera	
		Figu Craba	(Figu crabu)	Margiani Crobu (<i>'est unu sperrumadòrgiu'</i>)	
Sa sarpa	(Saisarpa)			Marinu Contu	
Pirastru de Porceddos		Perda longa (menhir)		Siu Pìlimu	
		Perdu Argiolu	(Marchioni?)	Funtana bona	(Funtana Ona)
Sa de Meleddu		Bidda de Elini / Funtana Manna	Elini / Funtana Manna	Lussùrgiu	
Serra de Masòngiu (Sa gabina)					
Funtana de Cerèsia		Su Sàlau		Cambeddas	
		Balleddu	(Balleddus)	Calàvrigu	(Calavrigu)
Erriu de Cerèsia / Cerèsias	(Riu Ceresia)			Simione	
Santoru				Murredda	
Bingia de Giosso (pron. 'e josso')				Bastarai	

		Barigau		Cardeu	
		Santu Giuanni	(S. Giovanni)	Funtana Marani	(Funtana Marani)

Zona de Coròngiu (Campu Coròngiu?)

Elinesu	IGM	Elinesu	IGM	Elinesu	IGM
Trunca Pussolu	(Truncu Putzolu)				(Perda Carcina)
Serra de Pelai	(Serra Pelai)			Nuraji de Murta	(Nuraghe Nurta)
Trucullè	(Truculle)	Àlinu de Columbu		Santu Stèvani	(Santu Stèvene)
		Pesojastru (pesa ojastru?)			(Baccu Manderà)
		Calàvrighu		Monte Bonghì	(Monte Bonghi)
		Teriàrgiu		Monte Corcone <i>(a si dda pigari a Corcone' = si primari)</i>	(Serra Colcone)
		Tele de Cadeddu		Sa Furca de su Monte	
Cùmbulas	Cumbulas			Bacu mannu	(Baccu Mannu)
		Nulassu		Sa Perda de s'Eili	(Sa Perda e Seili)
	(Serbauli?)			Porcu de Ludu <i>(inci andant a si ludari is porcos)</i>	(Porca de Ludu)
Corte manna	(Corte manna)				(Perdu Asaru)
		Tuduliu			(Campu s'Alimu)
Bacu de is Còngius	(Baccu Escongus)				(Truncone)
Su Idili (Ghidili)	(Su Idili)			Su Bau de os Pràidas	
		Su Bacu de is Aràngios			
Su Teti	(Su Tetti)				
Campu Coròngiu	Coròngiu				

Is orgiolas furint in: **Bacu Mannu, Perda de s'Eili, Tele de Cadeddu**. Su trigu ddu semenaiant in **Campu Coròngiu, Nulassu, Cùmbulas**.

Su pardu comunale est in is mapas I.G.M.: 531 I / 531 II